



MYREⁱO

MYths and REalities of Occitan

Scuola estiva Cuneo - Elva - Dronero

31 agosto - 5 settembre 2026

Per la fin de l'istaa, l'Universitat de l'hi Estudis d'Turin – Departiment d'Estudis Umanistics, en collaboracion abo l'Universitat Autònoma de Barcelona e l'Université de Pau et des Pays de l'Adour, organiza **MYREⁱO – MYths and REalities of Occitan**, la primiera **Escòla Estiva internacionala dedicaa** a aprofondir e reviscolar las tematicas liaas **a la lenga e a la cultura occitana e a lor ensenhament**. Es una ocasion extraordinària per la provincia d'Coni, que serè teatre de rescontres prestigiós destinats a d'estudents e recerchaires universitaris di tres ateneus enteressats, mas dubèrts decò a tot lo public d'apassionats, parlants, cultors. Per lo primier bòt, l'Universitat de Turin pòrta dins las valadas d'experts e de professors importants abo l'intencion d'enchaminar una collaboracion e una dubertura a las sugestions del territòri, ufrent a tuchi, coma uditors, la possibilitat de seguir gratis las propòstas, articulaas sus diferènts jorns second aqueste calendari, ja presentat anteprema a Sant Dumian al mes de junh en ocasion de l'iniciativa "Borghi in Dialogo 2026".

Luns 31 d'agost a 19 oras dins lo Salon d'onor del Municipi d'Coni: **dubertura de l'Escòla e saluts institucionals**.

Mars 1° de setembre, dins l'Aula magna 107 de l'"Ex Mater Amabilis", **da 9 a 11 oras** lo filològ e professor d'UniTO **Andrea Giraudo** parlarè de ***Trovatori e no***; **da 11.30 a 13.30** **Bruno Surace**, semiòlog e professor de cinematografia a UniTO, devisarè sus ***Il brand Occitania nel cinema e nei mezzi audiovisivi e digitali***. Se recomença **de 15.30 a 17.30** abo **Filippo Barbera**, sociòlog, professor d'UniTO e delegat a l'hi airals enterns e ai sistèmas territorials metromontans, abo ***Identità locale e sviluppo del territorio: il caso delle vallate del cuneese***.

Mercres 2 de setembre, sempre a l'"Ex Mater Amabilis", **da 9 a 11 oras** **Riccardo Regis**, sociolingüista e professor d'UniTO, parlarè de ***Mito e realtà in prospettiva sociolinguistica***; **da 11.30 a 13.30** **Jean-Paul Rehr**, medievista e recerchaire d'UniTO, presentarè ***Hérésie et inquisition en Occitanie: entre mythe et réalité***.

Jòus 3 de setembre l'hi entervents se passarèn a **Elva, en Val Maira**: **entre 9 oras e 3 bòts (h 15)** serè propòsta una excursion toponomastica guidaa da la dialectòloga e guida naturalistica **Aline Pons** de l'Universitat de la Val d'Aosta. **A 16 oras** **Philippe Biu**, professor d'occitan a l'Université de Pau et des Pays de l'Adour, illustrarè ***Lo lengatge shiulat d'Aas***:

iniciacion e demonstracion (Lo lengatge sublat d'Aas). A la fin de la jorna, a **17 oras Guido Canepa**, doctor de recerca en dialectologia e recercaire d'UniTO, parlarà de ***Il gergo dei pelassiers di Elva***.

Venres 4 de setembre da 8.30 a 11 excursion istòric-paisatgistica en bassa Val Maira; a 12 oras apontament a l'**Espaci Occitan de Dronero** ente **Rosella Pellerino**, lingüista e Director Scientific de l'Associacion, acompanharà lhi participants dins una **visita de l'Institut d'Estudis e del Musèu Occitan**, illustrant lo projècte dedicat ai 1000 ans de la Val Maira. L'aprèsmerenda continua en Espaci Occitan **da 14.30 a 16.30** abo **Antoni Rossell**, filòlog e musicòlog de l'Universitat Autònoma de Barcelona, que parlarà de ***Mito e realtà in musica. Epistemologia dell'interpretazione del repertorio dei trovatori medievali***. Per finir, da 17 a 19 oras intervent coral sus l'ensenhament de la lenga d'òc: ***Mito e realtà nella didattica dell'occitano (come lingua minoritaria)*** abo **Ilaria Fiorentini**, sociolingüista e professora de l'Universitat de Pavia, **Aline Pons** e **Rosella Pellerino**.

Grand final **sande 5 de setembre** dins lo **Salon d'onor del Municipi d'Coni**, ente despuei las 9.30 se passarà la **Taula rotonda *Il ruolo delle università europee nella promozione e tutela della lingua e cultura occitane***, coordinaa da **Giuseppe Noto**, filòlog e professor d'UniTO, abo **Filippo Barbera**, **Philippe Biu**, **Cristina Clerico** (Assessora Cultura, Universitat, Politicas Jovanilas Comuna de Coni), **Gianluca Cuniberti** (Prorector UniTO), **Alessandro Mengozzi** (Director Departiment d'Estudis Umanistics UniTO), **Antoni Rossell**, **Matteo Rivoira** (dialectòlog e professor UniTO, Director de l'Atlante Linguistico Italiano).

Lo Comitad scientific de l'iniciativa es format da **Andrea Giraudo** (UniTO), **Philippe Biu** (UPPA), **Massimiliano Gaggero** (UniTO), **Giuseppe Noto** (UniTO), **Antoni Rossell** (UAB); lo Comitad organizator da **Guido Canepa** (UniTO), **Andrea Giraudo** (UniTO), **Rosella Pellerino** (Espaci Occitan).

Lhi interessats a seguir coma uditors totas o quarquas jornaas son pregats de contactar andrea.giraudo@unito.it o guido.canepa@unito.it drant del 27 d'avost p.v.; la participacion a las jornaas del 3 de setembre (excursion e leçons a Elva) e del 4 de setembre matin (excursion en bassa valada) es reservaa a lhi estudents marcats a l'escòla.

L'Escòla Estiva, financiaa dins l'encastre del programa UniTo Starting Grants 2025 e entre las iniciativas VALLE MAIRA 28 MAGGIO 2028, es organizzaa gracias al sostenh e al patrocini de:

